

疆
邦
華
書

松隱樂府補遺

長壽仙促拍太母生辰

舜德日輝光正初冬盛期東朝喜誕生時向彤闈清淨
均化有自然和氣長生久視金殿熙熙宴瑤池 褱衣
俱侍玳筵啓花如錦耀朝暉太平際天子天下養共瞻
誠意南山虔祝億萬同歲

又貴妃生日

絳闕岩巖正春光到時當人日誕芳儀向宮壺雅著微
譽美懿德無虧深被恩榮金殿宴嬉氣融怡 賢均樛
木宜頌二南詩天心喜錦筵啓闔部奏笙簫祝壽處願
與山齊年年常奉明主禁掖

又

西苑煙光倚檻新
桃花豔豔靜無塵
照溪紅映一天雲
肯放落紅流水去
且尋歌舞賞明春
持杯知是洞中

人

又賞梅

日上龍城散曉陰
瓊芳堂下玉成林
江梅開未十分深
隨處錦亭穹帳暖
冷香邀住入衣襟
酒腸判斷付頻

斟

酒泉子

連面霜風野館山村
逢至日開懷欲殢酒
杯空與誰同
一緘來信託飛鴻
信裏催歸無限意
黃昏應是出房

櫳夜香濃

訴衷情

人情世態飽經過
眼也見來多忙中掉得便去不是有人
唆雲似舞水如歌笑呵呵這回還我半世
偎綏一味磨跼

又

得抽頭處好抽頭
等待幾時休賢且廣張四至我早已
優游黃道服布錢縐煞風流往來熟後也
沒憂愁

朝中措

酴醿芳架引繁英
香遠透簾清更與洛陽花市一齊移

在宮庭 琉璃萬朶嬌紅嫩紫總是嘉名殿閣眞仙同
賞天顏喜入歡聲

又詠雪

斜斜整整暗江灣 蓼笠有無閒應與君家卻暑冷看白
滿羣山 想來何處金鑪燄獸玉斝酤顏好是溪涵寒
影山陰一棹人還

謁金門 詠木樨

香乍起滿院垂垂巖桂未捲珠簾香已至酒杯言笑裏
葉下茸金繁蕊別是清妍風致更遠隨人聞細細月
華天似水

又

春漸至雪染梅梢輕細試路新蕪殊可喜冷雲閒照水
白芾今年不寄最好且尋幽會不怕清寒侵紫綺看
燈同晚醉

玉蹀躞

雨過池臺秋靜桂影涼清書檠葉喧空疏黃滿堤柳風
外殘菊枯荷凭闌一餉猶喜冷香襟袖少歡偶人道
消愁須酒酒又怕醒後這般光景愁懷煞難受誰念千
種秋情乍涼雖好還恨夜長時候

水調歌頭

江影浮空闊江水拍天流山藏地祕偉觀須是偉人收
聞道煙斜雨暗還留月底風邊墨客一凝眸闌檻隨指

顧江海遠生秋
繡簾捲開綺宴翠香浮
鄒枚賓從俱
詠韻閒出嘉謀
點點羣山吳楚歷歷三州
燈火潮落沒
沙鷗老子會心處應已付南樓

醉思仙

記華堂對寶臺絳蠟紅豔成行
顰烏雲髻映淺淺宮妝
江梅媚生嫩臉瑩素質自有清香
歌喉穩按鏤版緩拍
嬌倚銀牀
天外行雲駐輕塵暗落雕梁
似曉鶯歷歷
瓊韻鏘鏘別來久春將老
但夢裏也思量仗何人細說
與爲伊潘鬢成霜

江神子

徵父生日

南豐詩將駐靈江下明光惹天香
十雨五風連歲致豐

穠初夏清和纔四日開壽席宴華堂
嚴宸已奏二南章
眷循良比翼黃玉筍班聯宜冠紫微郎
從此鋒車宣室召
臆相業壽而康

滿庭芳

老不求名心惟耽靜
舊緣歷過艱難
杜門無事一味放
癡頑只藉鑪香上
徹與天地平直交關
真人喜扶晨遣
客時暫下仙班
矜憐身已病九疑
鳳駕來顧台山看
神超清境玉鍊朱顏
爲向芝田桂圃收妙
有與作眞丹
他年報冲融朝禮
香火紫雲間

又

秋色澄暉蟾波增瑩
桂華宮殿香凝
夜涼天半橫管度

新聲應是齊吹萬指巖谷震石裂霜清天如水飛雲散
盡江月照還明 人間何處有祥風緩引飄下層城想
廣寒光冷妙舞輕盈願上君王萬壽空竚憶酒海吞鯨
歸來也驚濤隱隱餘韻入青冥

武陵春重陽

今歲重陽經閏早金蕊粲繁枝玉殿珠樓步輦隨高興
在東籬 且泛金英同潋灩休與傲霜期只恐秋香一
夜衰須插滿頭歸

又

玉露金風尋勝去一月看三州紅葉黃花滿意秋真是
巧裝愁 我在天台山下住松菊占深幽歸趁梅花映

小樓應問久遲留

又

慘慘江雲渾不動玉雪耿孤芳萼綠仙人帶暗香風韻
冷尤長隴信不來寒日晚疏影照澄江肯借橫斜伴
酒觴應共月商量

又

春到小園春草綠煙雨濕雲山池上梅花已半殘無奈
晚來寒不怕醉多只怕醒花影上闌干人在東風縹
緲間誰與伴幽閒

玉樓春後宴詞

九重盛旦薰風候佳氣氤氳橫永書眉心煙彩擁羣仙

華宴重開同聖后
簫韶宮殿鏘金奏
香繞祥雲騰寶
獸三千嬪御奉
嚴宸億萬斯年
祈聖壽

又

佳時莫放游鞍倦
梅潤清薰隨處宴
不妨一半雨兼風
況對有情鶯與燕
瓊艘百柁花千點
肯使笙歌容易
轉興來人事酒消
磨誰問蚊雷和蟻
戰

浪淘沙

歸意逐飛鴻
點點書空
愛渠南去曉煙中
不似老人塵
土裏一似癡聾
庭院晚來風
還過秋容舊時
與客繞
珍叢有酒不曾
無客醉歡與秋
濃

又木樨開時雨

秋杪喜新涼煙淡池塘團團巖桂作風光多少水雲蕭
散意都付芬芳雨逐漏聲長小院同廊枕邊清夢幾
悠揚只恐四檐聲未斷洗褪幽香

鷓鴣天詠根

楓落吳江肅曉霜洞庭波靜耿雲光芳苞照眼黃金嫩
纖指開新白玉香鹽勝雪喜初嘗微酸歷齒助新妝
直須滿勸三山酒更喜持杯雲水鄉

又

準擬中秋快客情新亭雨後喜登臨彩蟾特地中宵出
吹散層雲十日陰松露重月煙深祥雲捧玉到天心
金波動是經年別爲酌金荷醉碧琳

又

曾到東風最上頭
低雲閣雨接溪流
只應綈袂閨房秀
尙帶天香汗漫游
當日暇從賢侯衝寒迎翠小
遲留歸驂白鳳來何處
更指玉霄城畔樓

又席上作勸子忱季相之酒

雪後疏香一兩枝
高軒乘興訪春時
金蕉酌酒應須醉
玉指傳觴豈易辭
嗟老大喜追隨
南樓背漏任遲遲
已聞水部神仙語
更誦騎鯨短李詩

好事近

花動兩山春
綠繞翠圍時節
雨漲曉來湖面
際天光清徹
移尊蘭棹壓深波
歌吹與塵絕
應向斷雲濃淡見

湖山眞色

又

密密偃蜂房香遠未應時
霎薇露紫煙浥盡任風欺雪
壓老人曾飲百川空相對肯微呷攬取占先風度醉
高燒紅蠟

又

潮盡海波平賞盡綠煙涼月羅袂乍迎風快悄喜歡不
徹一年好處記如今朝暮更無熱庭院晚來些雨是
開尊時節

勝勝慢

素商吹景西眞賦巧桂子秋借蟾光層層翠葆深隱幽

豔清香占得秀巖分種天教微露染嬌黃
珍庭曉透肌破鼻細細芬芳應是月中倒影
喜餘葉婆娑灝色迎涼移根上苑雅稱曲檻
回廊趁取蕊珠密綴與收花口著宮裳簾櫳
靜好圍四坐對賞瑤觴

一翦梅

不占前村占寶階芳影橫斜積漸開水邊竹外冷
搖春一帶衝寒香滿襟懷管領東風要有才頻攜
歌酒上春臺直須日日玉花前金殿仙人同賞同來

御街行

和陸判院梅詞

凌寒架雪知春近閒探處如相問溪流清淺暮雲低
玉簷橫斜風定晚枝雀啁幽姿方展還映疏篁冷鏡鸞

妝罷明梢嫩，猶記宜相竝。如今卻月別，傳香知引何人。
幽興不堪樓上，昭華吹斷，聲與愁腸盡。

行香子

也愛休官也愛清閒，謝神天教我愚頑。眼前萬事都不
相干，訪好林巒，好洞府，好溪山。日月如槃，缺又還圓。
自然他虎踞龍蟠，河東上下一撞三關。看也非慳也非
易也非難。

驀山溪

李次仲誕日

烏龍雲洞神，護紅塵外金鼎。養丹砂，有仙卿清修名世。
三千功行活字，少人知。松露閱紫煙，深知是珥翁裔。
吹簫後約，豈慕穿青紫。八十在人間，比當日何須指李。

相逢一笑酒量海同寬拔宅隱玉霄寒升舉應新歲

千秋歲

洞房秀韻結綺臨春後都壓盡名花柳錦堂籠翡翠
枕同清晝誰似得佳時占斷長歡偶我昔聞名久欲
見成消瘦尋不遇空回首征塗難駐馬坐想冰姿秀憑
寄語南歸更趁酴醾酒

水龍吟

凍雲閣雨長風送雪萬里無疑滯斜斜整整純白入素
應同太始袁巷蕭條冷光寒透有人曾至但圓虛上下
澄明瑩潔如□□混元氣時聽松篁瀉墜任山川珠
聯玉綴一塵不染一毫不現真空妙治祥應三白潤歸